

PCD CADI/RUEUN

# Revista da success che duei secuntinuar

DA GIUSEP CAPAUL

La revista dil president dalla pcd Cadi/Rueun, deputau René Epp, da venderis vargau a Mustér tier la radunonza generala ei stada sut il motto encurschont «La lavina nera ei anavos».

Quei seigi semussau igl onn vargau a caschun dallas elecziuns guvernativas nua ch'igl ei stau pussivel ed el medem mument in grond success – che la pcd ha rabbitschau en – suenter 20 onns puspei – cun *Marcus Caduff* in secund representant ella regenza – sper *Mario Cavigelli*. La Surselva hagi susteniu fermamein e cun la dregga strategia ils candidats e sappi perquei esser fetg satisfatg. El cussegl grond ei la pcd cun 30 deputai la secunda ferma fracziun. Ferm sustegn per la partida ha ei dau surtut els cumins sursilvans ed en quel da Razén.

Bia reclama ha la pcd grischuna era fatg a caschun dalla Higa a Cuera e tier la Ex18 a Mustér cun in agen stan. Gronds ei mingamai staus leu il sustegn puncto organisaziun e realisaziun tras deputau *Maurus Tomaschett*. Ins hagi mess peisa sin solidaritad e collaboraziun enteifer la pcd. La devisa – per ver success – seclomi era per quest onn tier las elecziuns federalas: Tener ensemen.

**Quen e reelecziuns**

Il cassier, *Donat Albin*, presenta il quen dalla pcd Cadi/Rueun 2018. Tier expensas da 22'600 ed entradas da 15'600 francs ha ei dau in deficit da rodond 7'000 francs. En egl crodan surtut las aultas sortidas per las tscharnas circuitalas. – L'entria supra-tonza, inclusiv ils revisurs, stattan vinavon a disposiziun e vegnan confirmai unanimamein per in ulteriur onn.

**Revisiun dils statuts pcd Cadi/Rueun**

La pcd Cadi/Rueun realisescha egl avegnir ils principis e representa ses interess ton el cumin dalla Cadi sco en quel da Rueun.



Cuss. dils stans *Stefan Engler, Fabian Collenberg, Sarina Caduff, Tobias Marti* e cuss. naz. *Martin Candinias* (da sen.).

Mo tier nominaziuns da candidats per elecziuns circuitalas san sulet commembers cun domicil ella Cadi vuschar pils candidats dalla Cadi e per las nominas el circuit electoral da Rueun sulet commembers cun domicil ella vischnaunca da Breil (cun *Andiast* e *Vuoz*). Las midadas vegnan acceptadas unanimamein.

**Candidats seprestant**

El center dallas activitads dalla pcd Cadi/Rueun stattan las elecziuns parlamentaras da quest atun. Era la pcd circuitala vegn ad arranschar in'occurrenza speciala culs candidats. La pcd dil Grischnun va el cumbat electoral quest atun cun treis gliestas: La principala (nr. 10) e las duas gliestas dalla pod giuvna (nr. 4 e 5).

Cuss. dils stans *Stefan Engler*, president dalla pcd grischuna, engrazia alla pcd Cadi/Rueun per il grond sustegn daus igl onn vargau e quenta cun quel fermamein era per quest atun. Finamira dalla pcd ei da salvar ses dus mandats el cussegl nazional ed el cussegl dils stans a Berna – nua ch'ei dat uonn in'elecziun da cumbat cun in tierz candidat – ed augmentar la procentuala tier igl electorat da 16,7% sin 18% el Grischnun e d'entant aschia la secunda ferma partida en nies cantun. Era cuss. naz. *Martin Candinias* engrazia pil sustegn dau, serecamonda vinavon, punctuond che la pcd drovi oravontut vuschs tier quella tscharna tenor il proproz decisiv.

Gronda peisa metta la pcd era sillas duas gliestas dils giuvens cristiandemocrats che vulan restar vinavon la pli ferma partida dils giuvens el Grischnun. Quei ei era il giavisch dil president dalla pcd giuvna dil Grischnun e candidat, *Fabian Collenberg*, Sumvitg. Dus ulteriurs candidats presents sin quellas gliestas, *Tobias Marti*, Panaduz, e *Sarina Caduff*, Cumbel, seprestant, allegond las raschuns ch'han stimulau els d'ir el cumbat electoral. Els lessen oravontut motivar giuvens e giuvnas dad ir all'urna. Lur finamira ei clara: promovet specialamein: formaziun, economia e turissem per ch'il Grischnun resti attractivs per giuvnas famiglias.

100 onns  
Lia Rumantscha  
1.-18 d'avust 2019  
Zuoz



Gion-Duri Gisler (77), scolarist pensiunau, Flond

**Tgei munta il romontsch per Vos?**

Romontsch munta per mei ch'jeu sun del da casa leu nua ch'jeu sundel sededi dius da viver. Igl ei in'expressiun dalla cultura e dalla singularitad da quella part dalla Svizra.

**Co promovis Vos il romontsch?**

Dapi ch'jeu hai passentau cheu las vancanzas ed ussa, dapi ch'jeu vivel entgens onns permanentamein cheu, frequentuon jeu cuors da romontsch. Jeu s'espervel da tschintschar romontsch cun amits e cun ir a cumprar en. Mintgaton legel jeu era las gasettas romontschas. Mia contribuziun persunala da s'integrar: Si cheu enconusch'ins mei cul num Gion-Duri, igl ei la translaziun exacta dil num ch'jeu hael giu la Bassa.

**Tgei avegnir ha il romontsch?**

Jeu constatel ch'ei vegn discurren in Surselva ils davos 20 onns dapli romontsch. Cunzun observ'jeu che la giuventetgna discuroa bia romontsch e ch'ella s'identifiescha era cun quei lungatg. Quei dau speronza. Jeu sun denton decididamein dil meini ch'ins sto t'gitar ils idioms, e quei oravontut en scola.

www.100onns.ch

Agid per gidar sasez  
Gidai era Vos!  
Procac Grischnun  
Härtterstrasse 10, 7000 Cuira  
Tel. 081 253 07 07, PC 70-7755-0  
procac.grischnun

## Entir entratg cun heli sil plaz

Spargnau biars transports cun vehichels



Las davosas preparativas vegnan fatgas avon che la casetta fetschi il sgol sin l'Alp Lumpegna.

(anr/hh) La tegia su dall'Alp Lumpegna sin intschess dalla vischnaunca da Mustér ei d'entantada l'unfrenda d'ina lavina igl unviern vargau. Dil baghetg ei restau ton sco nuot pli. Per pudet surmuntar il temps avon che la tegia nova ei construida han ils responsabls per l'alp stiu procurar per in dormitori transitori. La tegia ei vegnida construida cumpleinamain ella val e la finfinala sgulada il venderdis vargau cun in Super Puma directamein sil plaz destinau persuerter a Lumpegna. La peisa da rodond 2,5 tonnas dil baghetg ord l'enn ei stada negin problem pil helicopter che po transportar objects ni rauba cun peisas da bunamein quater tonnas. Grazia a quella pussivladad cul helicopter han ils responsabls per l'alp saviu spargnar in tschuppel viadis cun vehichels per aschia stuer construir la tegia leusi.

reclama

# Geniaaa Perfektes Zuhause aaaaaaaal

Attraktive Möbel zum besten Preis bis zum 15. Juni 2019.

zum Vorzugspreis:

Mit Coupons und Rabatten aus unserem aktuellen Prospekt.

Kommen Sie als Kunde, gehen Sie als Freund.

Delta Möbel AG, Pöhlstrasse 5, 9499 Haag  
A19 Ausfahrt Haag, Tel. +41 (0)81 772 22 11  
info@delta-moebel.ch

delta-moebel.ch

delta MOBEL. KÜCHEN. HAUSHALT